

BOSNA I HERCEGOVINA
FEDERACIJA BOSNE I HERCEGOVINE
VLADA

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ВЛАДА

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Broj: 03-02-938/2016
Sarajevo, 05.07.2017. godine

**PARLAMENT FEDERACIJE
BOSNE I HERCEGOVINE**

- Dom naroda -
gđa. Lidija Bradara, predsjedavajuća

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

Priljeno: 05-07-2017			
Org. jed.	Broj	Priloga	Vrijednost
02 -	02 -	1632/18	10x

PREDMET: Izjašnjenje Vlade Federacije Bosne i Hercegovine

Poštovana,

U skladu sa članom IV.B.3.7.c) (III) Ustava Federacije BiH, a u vezi sa odredbom člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), u prilogu Vam dostavljam Izjašnjenje Vlade Federacije Bosne i Hercegovine o amandmanima na Prijedlog zakona o izmjenama i dopunama Zakona o unutrašnjoj trgovini, koje je podnio Edin Forto, delegat u Domu naroda Parlamenta Federacije Bosne i Hercegovine, a koje je Vlada Federacije Bosne i Hercegovine utvrdila na 77. hitnoj sjednici, održanoj 05.07.2017. godine.

S poštovanjem,

PREMIJER
Fadil Novalić
Fadil Novalić

Prilog: kao u tekstu

Co: FEDERALNO MINISTARSTVO TRGOVINE
gosp. Zlatan Vujanović, ministar

BOSNA I HERCEGOVINA
FEDERACIJA BOSNE I HERCEGOVINE
VLADA

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ВЛАДА

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH”, br. 6/10, 37/10 i 62/10), a u skladu sa odredbom člana 183. Poslovnika o radu Doma naroda Parlamenta Federacije BiH („Službene novine Federacije BiH”, br. 27/03 i 21/09), nakon razmatranja amandmana na Prijedlog zakona o izmjenama i dopunama Zakona o unutrašnjoj trgovini, koje je podnio Edin Forto, delegat u Domu naroda Parlamenta Federacije Bosne i Hercegovine, Vlada Federacije Bosne i Hercegovine je, na 77. hitnoj sjednici održanoj 05.07.2017. godine, utvrdila sljedeće

IZJAŠNJENJE

o amandmanima na Prijedlog zakona o izmjenama i dopunama Zakona o unutrašnjoj trgovini, koje je podnio Edin Forto, delegat u Domu naroda Parlamenta Federacije BiH

AMANDMAN I

“U članu 11. stavu 2) iza riječi “provedbenim aktom” dodaju se riječi “osim ako je riječ o prodaji vlastitih poljoprivrednih proizvoda trgovca na tržnicama i otvorenim prostorima”.”

IZJAŠNJENJE

Amandman se ne prihvata

Obrazloženje

Amandmanom I. predloženo je da se u članu 11. stavu 2) iza riječi “provedbenim aktom” dodaju se riječi “osim ako je riječ o prodaji vlastitih poljoprivrednih proizvoda trgovca na tržnicama i otvorenim prostorima”.

S tim u vezi, uloženi amandman nije prihvatljiv iz sljedećih razloga:

Zakonom o fiskalnim sistemima (“Službene novine Federacije BiH” broj: 81/09), u članu 4. propisano je da se promet po osnovu prodaje artikala i pružanja usluga klijentima evidentira preko fiskalnog uređaja, **osim za djelatnosti izuzete od obaveze fiskalizacije.**

Zakonom o izmjenama i dopunama Zakona o unutrašnjoj trgovini definiše se prodaja na pijacama, štandovima i drugo, dok je tačkom 2. podtačka h) i i) Odluke o određivanju drugih djelatnosti koje ne podliježu obavezi evidentiranja prometa putem fiskalnih uređaja (“Službene novine Federacije BiH” br. 41/11 i 25/12) propisano da je prodaja na tržnicama na malo (pijacama) koja se obavlja izvan trgovačkih radnji, te prodaja na štandovima i stolovima izvan tržnica na malo, **izuzeta od obaveze fiskalizacije.**

Pravilnikom o obliku, sadržaju i načinu vođenja trgovačke knjige (“Službene novine Federacije BiH” broj: 91/15) jasno su definisani oblik i sadržaj vođenja trgovačke knjige na veliko, trgovačke knjige na malo i trgovačkih usluga.

Iz naprijed navedenog, jasno je da su pomenuti trgovci koji obavljaju trgovinu vlastitih poljoprivrednih proizvoda na tržnicama i otvorenim prostorima izuzeti iz obaveze naplaćivanja svojih proizvoda putem fiskalne kase, odnosno da djelatnost prodaje vlastitih poljoprivrednih proizvoda nije predmet regulisanja Zakona o unutrašnjoj trgovini kao i izmjenama i dopunama istog.

Navodimo da je predmetna djelatnost regulisana posebnim zakonima i to Zakonom o poljoprivrednoj djelatnosti i Zakonom o obrtu i srodnim djelatnostima, a fiskalizacija je regulisana Zakonom o fiskalizaciji i njegovim podzakonskim aktima. Iz navedenog proizilazi da je materija koja je predmet predloženog amandmana uvaženog delegata Edina Forte već uređena naprijed navedenim propisima.

AMANDMAN II

"U članu 25. Prijedloga Zakona o izmjenama i dopunama Zakona o unutrašnjoj trgovini dodaje se novi stav 9. koji glasi:

„9. Ako se na proizvodu nalazi bar code ili druga oznaka na osnovu koje se može istaknuta cijena povezati sa prijemnim listom ili rednim brojem zaduženja u trgovačkoj knjizi, onda trgovac nije dužan da postupi prema stavu 8. ovog člana."

Dosadašnji stavovi 9. i 10. postaju stavovi 10. i 11."

IZJAŠNJENJE

Amandman se ne prihvata

Obrazloženje

Amandmanom II. predloženo je da se u članu 25. Prijedloga Zakona o izmjenama i dopunama Zakona o unutrašnjoj trgovini dodaje novi stav 9. koji glasi:

„Ako se na proizvodu nalazi bar code ili druga oznaka na osnovu koje se može istaknuta cijena povezati sa prijemnim listom ili rednim brojem zaduženja u trgovačkoj knjizi, onda trgovac nije dužan da postupi prema stavu 8. ovog člana. Dosadašnji stavovi 9. i 10. postaju stavovi 10. i 11."

Uloženi amandman nije prihvatljiv iz razloga što je članom 25. stav 8. Zakona o unutrašnjoj trgovini ("Službene novine Federacije BiH" broj: 41/10) propisano:

"8) Trgovac je dužan uz oznaku cijene robe za prodaju ili pripremljene za prodaju označiti redni broj iz trgovačke knjige i godinu zaduženja na osnovu koje se može istaknuta cijena povezati sa prijemnim listom odnosno zapisnikom (evidencioni broj)."

Navedenom zakonskom odredbom nije preciziran način označavanja evidencionog broja uz cijenu na proizvodu, te se isto uređuje podzakonskim aktom.

S tim u vezi ističemo da je Pravilnikom o obliku, sadržaju i načinu vođenja trgovačke knjige, koji je bio na snazi do 2015. godine, članom 8. st. 2. i 3. propisana obaveza da se uz oznaku cijene robe označi redni broj iz trgovačke knjige, ali uz izuzetak za trgovce kod kojih se na proizvodu nalazi bar code ili druga oznaka na osnovu koje se istaknuta cijena može povezati sa prijemnim listom, odnosno zapisnikom.

Na inicijativu Federalne uprave za inspeksijske poslove u novom Pravilniku ova odredba je izostavljena iz razloga što je u inspeksijskim nadzorima kod velikog broja subjekata utvrđeno da se istaknuta cijena na proizvodu označenom bar codom ne može povezati sa prijemnim listom, odnosno zapisnikom, te se nije mogao vršiti efikasan nadzor zakonitosti rada tih subjekata.

Na osnovu navedenog, amandman uvaženog delegata Edina Forte na Zakon o izmjenama i dopunama zakona o unutrašnjoj trgovini se odbija, a Federalno ministarstvo trgovine će isti razmotriti prilikom izrade izmjena i dopuna Pravilnika o obliku, sadržaju i načinu vođenja trgovačke knjige ("Službene novine Federacije BiH" broj: 91/15).

V. broj: *926*/2017
05.07.2017. godine
Sarajevo

